

rabantur. Placuit Altissimo, ut quod Leo III pie disposuerat, Leo X quodammodo innovaret, et tantum thesaurum denuo repertum mortalibus ostenderet. Forte, dum ex edituis quidam circa diem natalem Christi proxime elapsam, qui fuit ab illius ortu MDXVIII, locum aureis de more ornat pannis hostium ex locellis obsecratis, qui supra imaginem Salvatoris sunt, ut apertum, cedere animadvertit. Re denunciata, jussu Leonis X pontificis maximi, amplexus pater Alexander Farnesius Sanctæ Romanæ Ecclesiæ cardinalis eiusdem basilicæ Constantinianæ archipresbiter, et secum una reverendus pater et d. dominus Johannes Baptista Boncianus pontifex casertanus, et Hironimus Picus et Prosperus Mutius patricii romani præsentis anno custodes xenodochij lateranensis, penes quos sacelli Salvatoris custodiendi esse solet cura, sacellum intrarunt; et apertis locellis et capsâ quæ sub altare erat, in locellis congeriem ossuum martirum tantum reperuerunt; in capsâ vero, quæ ex cupresso erat, hæc in ipsa verba primum offenderunt: « Leo indignus Dei famulus tertius episcopus fecit ». Reliquiæ vero quæ in hac capsâ permanent, dignæ sunt quæ repertæ fuerint sæculo Leonis X et quæ fidelibus augendam ad propagandam quoque religionem manifestentur. Illarum nomina quæ haberi potuerunt, nam fere innumerabiles sunt, tibi mitto: tu leges; admiraberis simul et Christo Salvatore pro tanto munere debitas gratias referes. Vale.

133

### *Reliquiæ.*

Una capsâ argentea in modum crucis facta, in qua est crux de auro purissimo collocata, decorata jacynthis et prismis, et in medio crucis hujus est recondita præcisio umbilici Domini nostri Jhesu Christi. Hæc crux annis singulis ungebatur balsamo, quando dominus nostrus Papa in exaltatione Sanctæ Crucis cum cardinalibus de ipso palatio procedens in basilicam Constantinianam descendebat.

In alia vero capsâ argentea, sunt sandalia, idest calciamenta, quibus dominus Jhesus utebatur, quæ potius soleæ quædam cum clovis esse videntur.

In alia item capsâ argentea anaglypha continetur crux aurea, hælecti opere variata, in qua est crux de ipso ligno crucis, in qua salus mundi pependit.

Ibidem est alia capsâ deaurata, ubi magna pars de ligno ejusdem crucis quod Eraclius de Perside cum corpore Sancti Anastasij attulit, quæ est sub prædicto altari.

Est etiam ibi unus panis de cœna Domini et duo-

decim de lenticulis eiusdem cœnæ, de arundine qua pereutiebant caput Jhesu, de spongia quam plenam aceto circumponebant ori eius; tunc in alio vasi positam inferius annotabitur de ligno sycomorum, ubi Zacheus ascendit.

In capsula eburnea oblonga et mentum sive maxilla Sancti Bartholomei apostoli, nec non reliquiæ Sancti Mathei evangelistæ, sanctorum septem fratrum, sanctorum martirum Abdôm et Semnem, sanctorum martirum Processi et Martiniani, sanctorum martirum Felicis et Adaveti, Herenei et Abundi, Pigmenij, Sisinij et Saturnini, item reliquiæ confessorum Damasi papæ et Felicis papæ, item magna pars capitis Sanctæ Barbaræ, Sancti Sebastiani martiris, Sancti Cornelii papæ et martiris.

In pipside eburneo est de veste beati Johannis Evangelistæ, et vasculum cristalinum lineis aureis circumseptum in quo sunt aliquæ cineres Sancti Johannis evangelista et ditus unus Sancti Johannis Baptistæ.

In capsâ argentea greco opere elaborata, est caput integrim Sanctæ Praxedis cum cute, naribus, labijs et lingua, palpebræ quoque oculorum integræ sunt, ut magnam devotionem et admirationem incutiat. Hæc capsâ circumligata est cordula quadam et cereo sigillo signata, cuius litteræ leguntur: « Nicolaus papæ III secretum, » in quo sigillo est sculptus puer qui piscatur hamo.

134

Est alia capsâ argentea cucum ligata et sigillo cereo signata, in qua capsâ sunt huiusmodi verba conscripta. Honorius papa III fieri fecit pro capite beate Agnetis. Intus vero est caput et de vestimentis sancte Agnetis. Item reliquiæ et de vestimentis Sanctæ Eufemiæ.

In capsula argentea parva sunt aliquæ reliquiæ Sancti Johannis et Sanctæ Brigidæ. In capsâ hæbena satis magna, sunt multæ parvæ reliquiæ absque aliqua inscriptione, licet dicatur quod in ea sunt carbones Sancti Laurentii; sed illi alibi reperiuntur ut infra dicetur.

In capsâ vel pipside ex auricalco, sunt carbones Sancti Laurentij martiris, aspersi ejus sanguine vel adipe, item carneum quoddam capitis absque nomine et aliae reliquiæ in saculis ligatæ.

In vase rotundo ligneo depineti sunt tres spongiæ et aliae reliquiæ sine nomine.

In alio vasculo ligneo rotundo est ampulla vitrea in qua cernitur sanguis coagulatus, hæc est tecta quidam membrana infecta quasi pinguedine, in qua vix legitur de sepulcro; sunt in eodem vase de reliquijs Sancti Constantini, Gervasij et Prothasij, et aliorum.